



MICHELSEN
ÚRSMÍÐIR SÍÐAN 1909

Laugavegur 15 - 101 Reykjavík
511 1900 - www.sviss.is



ROLEX

MARKAÐURINN

Sögurnar... tölur... fólkíð...

Hraði!
Skilvirkni!
Sveigjanleiki!

GUDJÓNÓ
VISTVÆN PRENTSMÍÐJA
Sími 511 1234 - www.gudjono.is

Miðvikudagur 18. maí 2011 – 9. tölublað – 7. árgangur

Veffang: visir.is – Sími: 512 5000 **visir**

PFS og Vodafone

Deilt um tíðni nýs farsímanets



Ísland færast skör neðar

Kapphlaup í stígvélum og með sandpoka



Tækni

Dagblöð lesin í farsímanum



VEXTIR KYNTTIR Líklegt er að þrýst verði á að Seðlabankinn horfi fram hjá verri horfum í vaxtaákvörðunum sínum.

FRÉTTABLAÐIÐ/VILHELM

Stýrivextir lækka ekki

Verðbólguhorfur hafa versnað og mun Seðlabankinn ekki lækka stýrivexti frekar, að mati greiningerdeildar Arion banka.

Í Markaðspunktum deildarinnar í gær segir að aukin umsvif á fasteignamarkaði, áhrif gjaldsyrishafta, gjaldskrárhækkana og áhrif nýlegra kjarasamninga muni smita út frá sér í verðlag. Af þeim sökum sé ólíklegt að verðbólga verði undir markmiðum Seðlabankans í allt að tvö ár. Gert er ráð fyrir að vísitala neysluserðs hækki um 0,7 prósent í mánuðinum og fari verðbólga við það í 3,1 prósent. Spá deildarinnar gerir ráð fyrir að verðbólga verði komin í 4,0 prósent í ágúst.

Af þessum sökum telur deildin að botninum hafi verið náð í núverandi vaxtalækkunarskeiði. Hún telur jafnframt að þrátt fyrir versnandi horfur verði pólitískum þrýstingi beitt til að fá Seðlabankann til að horfa framhjá verðbólguhorfum í vaxtaákvörðunum sínum.

- jab

HELST Í ÚTLÖNDUM

PORTÚGAL HJÁLPAÐ

Evrópusambandið samþykkti á mánudag neyðarlán til bjargar Portúgal upp á 78 milljarða evra. Þriðjungur lánsins kemur frá Alþjóðagjaldeyrissjóðnum, þriðjungur úr neyðarsjóði evruríkja en þriðjungur fer á fjárlög ESB. Að meðaltali eru lánin til sjö og hálfis árs með 5,7 prósentu vöxtum.

KÍNVERJAR GÁI AÐ SÉR

Herman van Rompuy, forseti leiðtogaáráðs Evrópusambandsins, segir að Kínverjar verði að gá að sér og sýna sangirni í viðskiptum við ESB, að öðrum kosti gætu Evrópubúar krafist verndarráðstafana af hálfu Evrópusambandsins. Hann er í heimsókn í Kína og ræddi þar í gær við Wen Jiabao forsætisráðherra.



TREGÐA Á MÖRKUÐUM

Tregðu gætti á mörkuðum í gær vegna skuldavanda Evrópuríkja og áframhaldandi óvissu um efnahagsbata í heiminum. Evran hélt þó sínu striki, þrátt fyrir nokkurn ugg um að handtaka Dominique Strauss-Kahn geti haft einhver langtímaáhrif.

Rannsaka fjörutíu skattaskjólsmál

Embætti skattrannsóknarstjóra kemst aðeins yfir brot mála tengdra skattaskjólum. Upplýsingaskiptasamningar til bóta. Íslendingar teknir að yfirgefa skattaskjólin í einhverjum mæli.

Ingibjörg Bára Sveinsdóttir
skrifar

Embætti skattrannsóknarstjóra er með um fjörutíu svokölluð skattaskjólsmál til rannsóknar. Embættið hefur ekki komist yfir nema brot af þessum fjölda, að því er Bryndís Kristjánsdóttir skattrannsóknarstjóri greinir frá.

„Við höfum komist til botns í einhverjum en önnur eru þung þegar ekki hefur tekist að afla allra þeirra upplýsinga sem við teljum þörf á. Sum geta verið í rannsókn í á annað ár. Við vitum að það eru miklir fjármunir í skattaskjólunum, einkum í Lúxemborg,“ segir Bryndís, en þeim sem eiga eignir og fjármuni erlendis og eru skattskyldir hér á landi ber að telja allt fram.

Reynslan af upplýsingaskiptasamningum við önnur ríki hefur verið upp og ofan, að sögn Bryndísar. „Umhverfið er að opnast meira, en stundum fer mikið ferli í gang þar sem verið er að teygja lopann. Þetta gengur betur í sumum löndum en öðrum. Þessir samningar opna ekki allar dyr. Við erum til dæmis með upplýsingaskiptasamning við Jómfrúeyjar en upplýsingarnar er ekki að finna þar þótt félag sé skráð þar til heimilis. Þar er kannski bara eitthvert box en félagið sjálft staðsett í Lúxemborg. Þessir samningar eru til bóta en fuglinn er ekki alltaf í hendi.“

Íslendingar eru í einhverjum mæli farnir að yfirgefa skattaskjólin, að því er Skúli Eggert Þórðarson ríkisskattstjóri greinir frá.

„Það er alltaf eitthvað um það að á framtölum birtist upplýsingar um eignir og fjármuni í útlöndum. Við höfum hins vegar ekki athugað þetta kerfisbundið. Framtalsskilin eru almennt að batna og einnig hvað varðar upplýsingar frá útlöndum. Það væri auðvitað óskandi að menn gerðu þetta í meiri mæli,“ segir ríkisskattstjóri.

Hann tekur fram að mögulega séu vissir hvatar að baki þegar menn ákveði að telja allt fram. „Þeir sem hafa verið í skattaskjólum vita að við erum að fá upplýsingar. Margir þeirra eru auk þess í fjárhagslegum erfiðleikum. Þá þarf að grípa til allra fjármuna og það er ekki hægt að birtast með þá hér án þess að telja þá fram. Slíkt kallar á rannsókn skattrannsóknarstjóra.“

Skúli segir að oft þurfi að greiða háar þóknarir til fjármálafrirtækja og aðila sem haldi utan um gögn í skattaskjólum. „Þetta getur verið svo há þóknun að hún slagi jafnvel upp í skattasparnað. Það er alveg klárt mál að það er engin góðgerðastarfsemi hjá þessum stofnunum. Í einhverjum tilfellum hafa menn hagnast á þessu en það er ekki reglan.“

Þegar menn koma úr felum bætist við endurákvörðunina 25 prósentu álag á alla skattstofna, að sögn Skúla. „Síðan er metið hvort viðkomandi mál þarf að fara til skattrannsóknarstjóra.“

Góð þjónusta og nýjungar. Það er rétta blandan.

Aðalheiður Héðinsdóttir, forstjóri Kaffitárs

Hver einasti viðskiptavinur okkar er einstakur og þarfirnar geta verið ólíkar. Með þetta að leiðarljósi höfum við þróað lausnir – sniðnar að þinni atvinnugrein. Hafðu samband og í sameiningu finnum við greiðslulausn sem hentar þínum rekstri.

Fyrirtækjalausnir Valitor | sími 525 2080 | www.valitor.is | fyrirt@valitor.is

Greiðslulausnir sniðnar að þinni atvinnugrein.

- Þjónusta
- Veitingahús
- Heildsölur
- Íþrótt- og félagasamtök
- Verslun
- Ferðaþjónusta
- Ríki- og sveitarfélög

VALITOR
Lausnir án landmæra

GreenQloud í hópi þeirra áhugaverðustu

Íslenska sprotafyrirtækið GreenQloud var nýverið valið eitt af áhugaverðustu umhverfistækniyrirtækjum heims af hinu heimsþekktu ráðgjafar- og greiningarfyrirtæki Gartner.

Fyrirtækið gefur á hverju ári út skýrslu sem ber heitið Cool Vendors og tiltekur þar 300 áhugaverðustu sprotafyrirtæki í heimi, fimm í hverjum flokki.

Að hljóta viðurkenningu frá

fyrirtæki eins og Gartner sem er leiðandi í rannsóknum og ráðgjöf í upplýsingatækni, er mikill heiður fyrir lítið sprotafyrirtæki á Íslandi með stórar hugmyndir," segir Eiríkur Sveinn Hrafnsson, framkvæmdastjóri GreenQloud.

Fyrirtækið stefnir að því að opna á næstunni umhverfisvænsta tölvuský heims hér á landi.

-þj

Óvíst með reksturinn

Forsvarsmenn sögðust biða nýrra vara í apríl.

Næstu aldamót, móðurfélag raf-tækjaverslunar Bang & Olufsen á Íslandi, var úrskurðað gjaldþrota í Héraðsdómi Reykjavíkur 13. apríl síðastliðinn.

Verslunin hefur verið lokuð um nokkurt skeið og byrgt fyrir glugga. Forsvarsmenn verslunarinnar sögðu í samtali við Fréttablaðið um miðjan mars að endurbætur stæðu yfir áður en nýjar vörur væru teknar upp úr kössum. Stefnt væri að því að opna verslunina aftur í apríl.

Óvíst er með skuldastöðu félagsins. Árið 2009 tapaði félagið 188 milljónum króna. Skuldir námu 325,8 milljónum króna og var eigið fé neikvætt um 224,5 milljónir. Fram kom í DV í síðustu viku að eigendur hefðu fengið 205 milljóna lán til kaupa á rekstrinum árið 2007.

Guðmundur H. Pétursson, skiptastjóri þrotabús félagsins, segir óvíst með rekstur Bang & Olufsen. Enginn rekstur sé í versluninni nú.

-jab



DYRNAR LOKAÐAR Forsvarsmenn Bang & Olufsen sögðust um miðjan mars vera að rýma fyrir nýjum vörum. Mánuði síðar varð eigandinn gjaldþrota.

FRÉTTABLAÐIÐ/STEFÁN

BANKABÓKIN			
Samantölur á vaxtatölum bankanna	Hæstu innlánsvextir	Yfirdráttarvextir eru hæstir	Yfirdráttarlán fyrirtækja
Arion banki	Markaðsreikningur 1,25% ^a	11,25%	11,20%
Íslandsbanki	Vaxtaþrep 1,90%	11,20%	11,20%
Landsbankinn	Vaxtareikningur 1,15% ^b	11,20%	11,20%
BANKI	MP Sparnaður 2,00%	11,05%	9,40 til 11,05%
BYR	PM-reikningur 2,00%	11,15%	11,10 til 11,20%
SPARISJÓÐURINN	Netreikningur 2,00% ^c	11,25%	11,25%
Sjó	Sparnaðarreikningur 2,00%	10,25%	Ekki í boði.

*Miðað er við 250.000 króna innlegg og sem skemmsta bindingu. ^aBundinn í tíu daga. ^bBundinn í sjö daga. ^cÚttektargjald hjá gjaldkera 0,25%
Athugið að ekki er tekið tillit til árgjalds, sem getur fylgt yfirdráttarreikningum.

PFS segir Vodafone tefja fyrir 4G-tækni

Örbylgjuútsendingar Digital Íslands gætu heyrt sögunni til eftir nokkur ár. Kostnaðarsamt fyrir bæði fyrirtækið og viðskiptavini, segir upplýsingafulltrúi Vodafone.

Jón Aðalsteinn Bergsveinsson
skrifar

Tíðnileyfi Vodafone, sem á og rekur sjónvarpsþjónustuna Digital Ísland og dreifir sjónvarpsefni um örbylgju, rennur út í júlí. Viðræður standa yfir um endurúthlutun á tíðnisviðinu.

Stjórnendur Vodafone hafa óskað eftir endurnýjun til næstu níu ára. Póst- og fjarskiptastofnun (PFS) segir tíðnibandið, 2,6 GHz, eitt af þeim sem fyrirhugað sé að nota fyrir næstu kynslóð í fjarskiptatækni, svokallað 4G-gagnaflutningsnet. Fá Vodafone sínu framgengt getur það tafið fyrir innleiðingu tækninnar.

Þorleifur Jónsson, forstöðumaður tæknideildar PFS, segir tíðniheimildir ætíð vera tímabundnar. Ekkert óeðlilegt sé við að þær renni út. Þá standi ekki til að taka tíðnina af Vodafone, né sé deilt um hvort fyrirtækið eigi að fá henni endurúthlutað heldur hversu lengi. Stefnt er að því að ákvörðun um endurúthlutun tíðniheimildar Vodafone liggi fyrir innan tveggja vikna.

„Þessi umrædda tíðni er hugsuð fyrir þráðlausa háhraðafarnetsþjónustu, framtíðarþjónustu fyrir far-síma. Aðrar tíðnir eru í boði fyrir stafrænar sjónvarpsútsendingar í lofti. Vodafone hefur fengið úthlutað tíðnum á UHF-tíðnisviðinu fyrir stafrænar útsendingar," segir Þorleifur og bendir á að Evrópusambandið hafi ákvarðað fyrir nokkru að sama tíðni og Vodafone notar til dreifingar á sjónvarpsefni skuli notuð fyrir næstu kynslóð í fjarskiptatækni, oft nefnda fjórðu kynslóð sem taki við af 3G-farsímanetinu. PFS hlítir ákvörðuninni eins og víða annars staðar þrátt fyrir að Ísland hafi lýst því yfir að ákvörðunin verði ekki innleidd að sinni vegna núverandi notkunar Vodafone. „Þau lönd í Evrópu sem enn nota sömu tíðni og Vodafone til dreifingar á sjónvarpsefni eru teljandi á fingrum annarrar handar," segir hann.

Hrannar Pétursson, upplýsingafulltrúi hjá Voda-



ÞORLEIFUR JÓNSSON

HRANNAR PÉTURSSON

fone, segir rök PFS mjög veik. Ástæðan fyrir því að þetta tiltekna tíðnisvið sé notað í Evrópu fyrir hluta af fjórðu kynslóð í gagnaflutningsþjónustu sé einfaldlega sú að tíðnisviðið hafi ekki áður verið í notkun þar.

Hann segir talsverðan mun á sjónvarpsútsendingum á UHF-tíðnisviði og því örbylgjuútsendingum sem Digital Ísland sendi sjónvarpsefni út á á höfuðborgarsvæðinu og hluta Suðurlands. Á síðasttalda tíðnisviðinu eru sendar út í kringum sjöttíu sjónvarpsstöðvar. Á UHF-tíðnisviðinu sé aðeins sent út efni tæplega tuttugu sjónvarpsstöðva. Á sumum stöðum úti á landi séu þær enn færri. Því yrði Vodafone að fá mun fleiri tíðnileyfi til að geta sent út efni jafn margna sjónvarpsstöðva og nú á UHF-tíðnibandinu.

Þá bendir Hrannar á að önnur tíðnisvið henti betur fyrir háhraðagagnaflutningsþjónustu um 2,6 GHz-tíðnin. „Tíðnisviðið er hátt og dregur skammt en lægri tíðnir draga lengra og eru hentugri," segir hann og bætir við að verði hætt að nota örbylgju-tíðnisviðið verði skiptin kostnaðarsöm, bæði fyrir Vodafone og viðskiptavini fyrirtækisins; þeir þyrftu annað hvort að kaupa ný loftnet sem gætu tekið við UHF-sendingum eða að kaupa netþjónustu til að taka við sjónvarpsefni um háhraðanet.

Google sækir sér fé Bandarísk fyrirtæki nýta sér lágt vaxtastig.

Bandaríska netfyrirtækið Google ætlar að sækja sér þrjú milljarða dala, jafnvirði 350 milljarða króna, með skuldabréfaútbóði. Þetta er fyrsta skuldabréfaútbóði fyrirtækisins.

Breska viðskiptadagblaðið Financial Times segir hagstætt fyrir fyrirtæki að fjármagna sig með þessum hætti, þar sem fjármögnunarkostnaður sé nú lágur vestanhafs. Stýrivextir í Bandaríkjunum hafa staðið í sögulegum lægðum síðan í desember 2008. Google fetar í fótspor hugbúnaðarrians Microsoft, sem hefur sótt á skuldabréfamarkað síðastliðin tvö ár með góðum árangri.

Fram kemur í Financial Times að stjórnendur Google séu hugsanlega að safna í sjóð til að hafa lausafé á milli handanna þegar óvænt kaupækifæri komi upp.



VILJA EIGA LAUSAFÉ Google vill hafa yfir nægu fé að ráða, komi upp óvænt kaupækifæri. Hér er Sergey Brin, annar tveggja stofnenda Google.

FRÉTTABLAÐIÐ/AFP

Óformlegar viðræður fóru fram á milli stjórnenda Google og helstu fjárfesta Skype á dögunum. Google lagði aldrei fram formlegt tilboð og varð úr að Microsoft keypti fyrirtækið fyrir 9,5 milljarða dala, jafnvirði 980 milljarða íslenskra króna.

-jab

Útflutningsverðlaun forseta Íslands til bænda

Hlutafélag í eigu bænda er í viðskiptum við 150 ferðaskrifstofur og heildsala víða um heim. Sinnir gjaldeyrisöflun fyrir þjóðina.

Ferðaðþjónusta bænda hlaut Útflutningsverðlaun forseta Íslands síðastliðinn mánudag. Verðlaunin eru veitt í viðurkenningsarkyni fyrir markvert framlag til eflingar á útflutningsverslun og gjaldeyrisöflun íslensku þjóðarinnar.

Sævar Skaptason, framkvæmdastjóri Ferðaðþjónustu bænda, tók við verðlauninum úr hendi Ólafs Ragnars Grímssonar, forseta Íslands. Friðrik Pálsson hjá Íslandsstofu tilkynnti hver hlyti verðlaunin, en hann var formaður úthlutunarnefndar. Íslandsstofa hefur tekið við af Útflutningsráði sem umsjónaraðili verðlaunanna.

Kristinn Sigmundsson óperusöngvari fékk sérstaka heiðursviðurkenningu, sem er ný af nálinni, fyrir að hafa aukið hróður Íslands á erlendri grundu.

Ferðaðþjónusta bænda er hlutafélag í eigu bænda og hefur starfað að markaðssetningu og sölu í átján ár. Fyrirtækið er í viðskiptum við um 150 ferðaskrifstofur og heildsala um allan heim.

-þeb




Á BESSASTÖÐUM Sævar Skaptason og Ólafur Ragnar Grímsson afhjúpa listaverkið sem er hluti af verðlauninum. Kristinn Sigmundsson óperusöngvari fylgdist með, en hann hlaut sérstaka heiðursviðurkenningu.

FRÉTTABLAÐIÐ/VALLI

Ókeypis
aðild að
Icelandair
Golfers

Premium Icelandair
American Express®
er betri ferðafélagi.
Kynntu þér kostina á
americanexpress.is



Kortið sem
kemur þér út



KREDITKORT er útgefandi American Express® á Íslandi

Sögulegar upplýsingar um hlutafélög

Viðskiptavinir Creditinfo hafa nú aðgang að mikilvægum upplýsingum um hlutafélög. Upplýsingarnar nýtast þegar kanna þarf sögulegar upplýsingar ásamt breytingum sem hafa átt sér stað.

Eftirfarandi viðbætur eru nú aðgengilegar í hlutafélagaskrá Creditinfo:

Eldri skráningar: Birtir skráningu félags samkvæmt valinni dagsetningu og sýnir hverjir áttu sæti í stjórn fyrirtækis á ákveðnum tímamarki.


Breytingasaga: Birtir helstu breytingar á skráningu félags í tímaröð.

Samanburðarskýrsla: Birtir skráningu félags á tveimur dagsetningum fyrir og eftir breytingu. Skýrslan auðkennir hvaða upplýsingar breyttust á milli daga.

Nánari upplýsingar fást hjá ráðgjöfum Creditinfo í síma 550 9600, á www.creditinfo.is eða með því að senda tölvupóst á netfangið radgjof@creditinfo.is

SKILVIRKNI OPINBERRAR STJÓRNSÝSLU

Mælir hversu vel hið opinbera stuðlar að samkeppnishæfu viðskiptaumhverfi.




*Sameinuðu arabíska furstadæmin (Í sviga er staðan frá því í fyrra)

Heimild: IMD World Competitiveness Yearbook 2011

INNVIÐIR SAMFÉLAGSINS

Mæling á hversu vel grunnþjónusta, tæknistig og mannauður henta viðskiptalífni.




(Í sviga er staðan frá því í fyrra)

Heimild: IMD World Competitiveness Yearbook 2011

EFNAHAGSLEG FRAMMISTADA

Mat á stöðu þjóðhagkerfis hvers lands.




(Í sviga er staðan frá því í fyrra)

Heimild: IMD World Competitiveness Yearbook 2011

SKILVIRKNI VIÐSKIPTALÍFSINS

Mæling á því að hversu miklu leyti fyrirtæki starfa á nýjungagiarnan, hagkvæman og ábyrgan máta.



(Í sviga er staðan frá því í fyrra)

Heimild: IMD World Competitiveness Yearbook 2011

Ísland færast skör neðar í mælingu á samkeppnishæfni

Ný mæling á samkeppnishæfni þjóða endurspeglar efnahagslega stöðnun Íslands, segir framkvæmdastjóri Viðskiptaráðs. Efnahags- og viðskiptaráðherra segir afturför skrifast á fjármálakreppuna. Óli Kristján Ármannsson rýnir í nýjar tölur frá IMD.

Ísland fellur um eitt sæti í samanburði svissneska viðskiptaskólans IMD á samkeppnishæfni þjóða. Í fyrra var Ísland í 30. sæti en er nú í 31. sæti, fjarri þeim löndum sem Íslendingar hafa helst viljað miða sig við.

Fall Íslands á lista IMD hefur verið mikið. Árið 2007 þóttu til að mynda mikil vonbrigði þegar landið féll úr fjórða sæti listans í það sjöunda. Fallið þá var kallað „fórnarkostnaður velgenginnar“, þar sem uppgangur í efnahagslífinu hefði getið af sér misvægi og óstöðugleika sem kæmi niður á samkeppnishæfninni.

IMD mælir ótal þætti í efnahags- og atvinnuumhverfi landa og úr verður ein einkunn þar sem löndunum er raðað upp í goggunarröð. Hér að neðan getur að líta allan listann og svo valinn samanburð í töflum.

Líkt og í fyrra stendur landið fjarri nágrönnum sínum og þeim löndum sem við höfum helst viljað bera okkur saman við á nokkrum mikilvægum sviðum. Löndin sem fá ámóta einkunn og Ísland hjá IMD eru ýmist þróunarríki eða fórnarlömb alþjóðlegru fjármálakreppunnar. Má þar nefna lönd á borð við Írland, Spán, Portúgal, Ítalíu og Grikkland.

„Það sem úttekt IMD nú staðfestir er að á Íslandi ríkir efnahagsleg stöðnun. Um það verður tæpast deilt,“ segir Finnur Odds-

son, framkvæmdastjóri Viðskiptaráðs Íslands. Hann segir kannski helst koma á óvart að landið skuli standa nokkurn veginn í stað, fremur en að hliðrast niður á við. „Og það getum við þakkað samfélagslegum innviðum sem eru á margan hátt sterkir og staðfestir í úttekt IMD.“ Finnur segir sterka innviði koma til með að nýtast í uppbyggingunni sem fram undan sé. „Þar má helst nefna heilbrigðis- og menntakerfi, auðlindir á borð við vatn og orku og aðgengi að þeim. Þetta kemur fáum á óvart.“

Löndin sem fá ámóta einkunn og Ísland hjá IMD eru ýmist þróunarríki eða fórnarlömb alþjóðlegru fjármálakreppunnar. Má þar nefna lönd á borð við Írland, Spán, Portúgal, Ítalíu og Grikkland.


Í samanburði á könnunum árin 2011 og 2010 segir Finnur hins vegar fleiri atriði sem nú valdi áhyggjum. „Fyrir það fyrsta, þá rekur Ísland lestina þegar kemur að efnahagslegri framvindu. Hagvöxtur var verulega neikvæður og nær alger skortur er á fjárfestingu miðað við önnur lönd. Fjármálamarkaður og fjárfestingarumhverfi, sérstaklega þegar kemur að erlendri fjárfestingu, eru einnig akkillesarhælar,“ segir hann. Þá telur Finnur að há muni uppbyggingu atvinnulífsins hversu fáir útskrifist úr raunvísindum og tæknigreinum miðað við samanburðarlönd. „Það kemur

því ekki á óvart að aukin hætta er talin á hliðrun á atvinnustarfsemi og fólki frá landinu, til dæmis í rannsóknum og þróun.“

Finnur segir að þó svo að hægt sé að gagnrýna úttektir á borð við þá sem IMD geri þá sé mikilvægt að nýta þær sem vísbendingu um hvar skórin kreppir og um leið sem leiðarvísi til úrbóta. „Bæta þarf efnahagslega frammistöðu til að viðhalda til framtíðar

viðlíka lífskjörum og verið hafa. Það verður eingöngu gert með því að efla almennt viðskiptalíf,“ segir hann og telur að því ætti að vera „sýrupróf“ á allar aðgerðir stjórnvalda þessa dagana hvort áhrif þeirra á atvinnurekstur séu hvetjandi eða letjandi. „Að undanförunu hefur verið of mikið af því síðarnefnda og rík tilhneiging til að færa ákvörðunartöku og fjármagn frá markaðnum í hendur kjörinna fulltrúa og ríkissjóds. Það er ekki líklegt að auka skilvirkni opinbera og einkageirans og því síður að bæta efnahagslega frammistöðu. Af þeirri leið þarf að snúa,“ segir Finnur.

MÆLING IMD Á SAMKEPPNISHÆFNI



Auglýsingasími

512 50 50




Allt sem þú þarft...



HALLAR UNÐAN FÆTI? Ísland rekur lestina í alþjóðlegum samanburði þegar kemur að efnahagslegri framvindu. Innviðir landsins, svo sem mennta- og heilbrigðiskerfi, eru hins vegar með því besta sem þekktist í heiminum.

FRETTAÐIÐ/PIETUR



Í höftum verður íslenskt efnahagslíf ekki samkeppnishæft

Eins og að hlaupa í kapp í gúmmístígvélum með sandpoka á bakinu.

Áhrifa af fjármála-kreppunni gætir á þeim stöðum þar sem staða Íslands versnar í nýjustu mælingu IMD. Þetta er mat Árna Páls Árnasonar, efnahags- og viðskiptaráðherra.



ÁRNI PÁLL ÁRNASON

„Það er vandi í erlendri fjárfestingu, í aukinni skuldsetningu ríkisins og svo verðbólguosið sem þarna kom inn, auk þess sem inn í spilar fjármögnunarkostnaður og slíkir þættir. En allt eru þetta hlutir sem við gerum ráð fyrir að vinna okkur út úr á næstu árum,“ segir Árni Páll. Um leið áréttar hann mikilvægi þess að fólk sé meðvitað um að samkeppnishæfni Íslands þurfi að vera mikil.

hæfnin verði lítil vegna gjaldeyrishafta, landfræðilegrar einangrunar og slíkra þátta. Undanfarna tvo áratugi höfum við hins vegar reynt að auka samkeppnishæfnina með þátttöku í hinu opna fjármálakerfi og það er mikilvægt að við missum ekki sjónar á því. Samkeppnishæfni verður að tryggja með því að brjóta niður alla múra forréttinda og sérréttinda í einstökum atvinnugreinum og hvetja til nýliðunar og nýsköpunar.“

Vegna þess hvernig gjald-eyrishöft draga úr samkeppnishæfni atvinnulífsins segir Árni Páll jafnframt ljóst að þau verði ekki langtímaástand

sem búið verði við. „Það er mjög mikilvægt að vera með fókussinn skýran á að við erum að vinna okkur út úr gjaldeyrishöftunum og að við þurfum umgjörð sem gerir okkur kleift að lifa án þeirra,“ segir Árni Páll og kveður baráttu stjórnvalda nú vera upp á hvern dag að gæta að því að neikvæð áhrif gjaldeyrishaftanna verði eins lítil og mögulegt sé. „Verandi með gjaldeyrishöftum og veikburða gjaldmiðil þá er það fyrir samanburð á samkeppnishæfni landsins eins og að keppa í hundrað metra hlaupi á Ólympíuleikum á gúmmístígvélum og með sandpoka á bakinu.“

Hilludagar í maí

ALVÖRU Geymsluhillur

Í bílskúrinn og geymsluna fyrir sameignina og dekkinn og fyrir fyrirtækin í landinu.

20% afmælis-afsláttur


• auðvelt að smella saman
• þola mikið álag

RMI

Brautarholti 26 • 105 Reykjavík
sími 511 1100

Skoðaðu nánar á - www.rymi.is

JÓÐA 2011



*Sameinuðu arabísku furstadæmin (Í sviga er staðan frá því í fyrra)
Heimild: IMD World Competitiveness Yearbook 2011

Hótel við Austurhöfn

Sala á byggingarreit nr. 5

Situs ehf. óskar eftir áhugasömum aðilum sem vilja kaupa byggingarreit nr. 5 við Austurhöfn í Reykjavík, sem ætlaður er fyrir hótél, en markmiðið með útboðinu er að tryggja að við hlið Hörpu rísi hótél af þeim gæðum sem hæfir tónlistar- og ráðstefnuhúsinu. Á byggingarreitnum er fyrirhugað að byggt verði hótél undir alþjóðlegu vörumerki sem verði með a.m.k. 250 herbergjum og af 4-5 stjórnvæðum. Á reitnum má byggja að hámarki 28.000 m² ofanjarðar og 2.000 m² í kjallara. Miðað er við að hótelið hefji rekstur eigi síðar en vorið 2015.

- Með kaupum á reitnum skuldbindur kaupandi sig m.a. til að:
- Standa að byggingu a.m.k. 250 herbergja hótels á byggingarreitnum.
 - Tryggja að þar verði rekið 4-5 stjórnvæð hótél undir alþjóðlegu vörumerki.
 - Opna hótél á reitnum eigi síðar en vorið 2015.
 - Leggja metnað í hönnun hótélbyggingarinnar svo hún sómi umhverfi sínu.
 - Standa að byggingu bílarkjallara við hótelið.

Nánari upplýsingar um kröfur til bjóðenda, gögn sem skila þarf inn með tilboði o.fl., má finna í sölu lýsingu en hana má nálgast frá og með miðvikudeginum 18. maí kl. 14:00 á útboðsvef Ríkiskaupa, www.rikiskaup.is. Sölu lýsing er á ensku. Tilboðum ásamt fylgiskjölum skal skila á skrifstofu Ríkiskaupa, Borgartúni 7c, 105 Reykjavík, eigi síðar en kl. 14:00, **mánudaginn 18. júlí 2011**, þar sem þau verða opnuð í viðurvist þeirra bjóðenda sem þess óska.

SITUS ehf

Pappírsglasblað lesið af farsímaskjá

Í SÍMANUM



MEÐ JÓNÍ ADALSTEINI

Margir hafa skipt út gömlu farsímum sínum fyrir svokallaða snjallsíma á borð við iPhone-símana frá Apple og sambærilegar gerðir frá öðrum framleiðendum. Þeir bjóða upp á talsvert fleiri möguleika en gömlu símanir – úr þeim ódýrari var nær eingöngu hægt að hringja, senda smáskilaboð og flakka lítilliga um netið, væri vafri til staðar.

Snjallsímanir eru mun skemmtilegri að mínu mati, enda möguleikarnir miklu fleiri og símanir í raun nær því að vera smátölvur. Sjálfur fékk ég snjallsíma á dögum eftir að fjögurra ára gamall sleðasíminn frá Nokia fór til farsíma-himnaríkis eftir hægfare hrörnunarferli. Þótt við sleðasíminn hefðum átt góðar stundir saman var depurðin skammvinn.

Í stað Nokia-símans keypti ég LG Optimus One, tiltölulega ódýran snjallsíma sem keyrir á 2,2 útgáfunni af Android-stýrikerfinu. Skjárinn er 3,2 tommur, sem er þægileg stærð.


Skömmu eftir að ég eignaðist símann komst ég að raun um að mér finnst gott að lesa dagblöð í símanum á sama formi og þau eru prentuð, sérstaklega er það hentugt um helgar þegar ég er tregari en virka daga til að hlaupa niður fjórar hæðir í blokkinni fyrir eintak af Fréttablaðinu.

Hugbúnaður til þess arna hefur verið til um nokkurt skeið. Sá heitir PressReader og er frá bandaríska hugbúnaðarfyrirtækinu Newspaper-Direct. Hugbúnaðurinn er fyrir flestar gerðir farsíma af nýrri gerðinni, allt frá Blackberry til síma sem styðja Windows. Sömuleiðis virkar það á spjalddölvur sem nota áður nefnd stýrikerfi.

Til að lesa dagblöð á PressReader-búnaðinum þarf að kaupa mánaðarlega áskrift. Hún kostar tæpa þrjátíu Bandaríkjadali á mánuði, jafnvirði rúmra 3.450 króna. Sömuleiðis má kaupa einstök tölublöð. Eitt stykki kostar 99 sent, rúmar 114 krónur. Það samsvarar einu dagblaði á dag í þrjátíu daga. Sjálfum þykir mér mun

meira virði að greiða fyrir áskriftina enda veitir hún aðgang að 1.850 dagblöðum á prentformi frá öllum heimshörnum á Netinu, allt frá Albaníu til Úkraínu. Litlu finnst mér skipta þótt sum blaðanna séu á máli heimamanna, svo sem arabísku og öðrum málum sem ég skil ekki. Þótt lítill botn fáiast í innihald fréttanna geta þeir sem áhuga hafa á fjölmiðlum skemmt sér við að skoða hvernig blöð í fjarlægum löndum líta út. Flest eru blöðin þó frá hinum enskumælandi heimi; 288 bandarísk dagblöð og 282 frá Kanada auk þess sem forritið gefur þeim sem áskrift eiga kost á að lesa 155 bresk dagblöð í tæki sínu. Forvitnir snjallsímaeigendur geta halað niður sex ókeypis eintökum af netdagblöðunum áður en þeir ákveða hvort blaðalestur í símanum eða spjalddölvunni er eitthvað fyrir þá. Það sama gildir þó ekki um Fréttablaðið, sem er ókeypis þar eins og annars staðar. Ekki þarf því að kaupa áskrift til að hala því niður.

SVONA ERU DAGBLÖÐIN LESIN Í SÍMANUM



1 Þeir sem eiga Android-farsíma sækja hugbúnað í netversluninni Android Market. Til þess að það gangi þarf síminn annað hvort að vera tengdur staðarneti eða 3G-farsímanetinu. Þeir sem eiga síma sem nota önnur stýrikerfi nota aðra verslun. Eigendur iPhone-síma geta nálgast hugbúnaðinn í AppStore.

2 Í Android Market er einfaldast að smella á leitarstikuna, skrifa inn í hana PressReader og láta símann um að finna hugbúnaðinn. Þegar síminn hefur fundið PressReader þarf að samþykka niðurhal og uppsetningu.

3 Þegar hugbúnaðurinn er notaður í fyrsta sinn birtast þrjár valmöguleikar: „My Library“, „Store“ og „Settings“. Velja þarf „Store“. Eftir það birtist listi yfir þau lönd sem eiga dagblöð í kerfinu. Íslensk dagblöð eru undir flípanum „Iceland“.

4 Örskamma stund tekur að ná í eintak af því dagblaði sem maður kys. Sérhvert eintak vistast sjálfkrafa í „My Library“ og má blaða í gegnum það hvenær sem tími gefst til án þess að tengja símann við net. Nóg er að smella á mynd af því blaði sem viðkomandi vill lesa hverju sinni.

5 Á farsímaskjá sem er 3,2 tommur má auðveldlega skoða hverja blaðsíðu fyrir sig. Letrið er vissulega allt of smátt. Því má bjarga með því að smella einu sinni á skjáinn. Við það stækkar blaðið. Hæglega má lesa heila blaðsíðu í senn með því að færa blaðið til á skjánum.

6 Einfalt mál er að fara á milli blaðsíðna í dagblöðum í símanum eða spjalddölvunni. Nóg er að setja einn fingur á skjáinn og draga hann frá hægri til vinstri yfir hann. Við það flettist yfir á næstu síðu í blaðinu. Ef fingur er rennt yfir skjáinn frá vinstri til hægri er flett til baka í blaðinu.

Til leigu Skrifstofuhúsnæði á besta stað í Reykjavík



Til leigu er skrifstofuhúsnæði að Rauðarárstíg 27. Um er að ræða húsnæði á fjórum hæðum sem leigist út að hluta til eða í heild.

Á jarðhæð til leigu 333 fm.
2. hæð samtals 479 fm.
3. hæð samtals 479 fm.

4. hæð samtals 479 fm.
Gott aðgengi og næg bílastæði bakatil.

Nánari upplýsingar eru veittar í síma 692 2323 eða 692 0900.



AFHENDINGIN Úthlutað hefur verið í sjöunda sinn úr Afrekskvennasjóði Íslandsbanka og ÍSí.

Sex fengu styrk úr sjóði

Sex íþróttakonur á aldrinum 14 til 18 ára hafa fengið hálftrar milljónar króna styrk hver úr Afrekskvennasjóði Íslandsbanka og Íþróttasambands Íslands (ÍSí). Allar eru sagðar framúrskarandi efnilegar íþróttakonur.

„Markmið og tilgangur Afrekskvennasjóðs Íslandsbanka og ÍSí er að styðja við bakið á afrekskonum í íþróttum og gera þeim betur kleift að stunda sína íþrótt og ná árangri,“ segir í tilkynningu, en stjórn sjóðsins skipa Svafa Grönfeldt, Vanda Sigurgeirsdóttir og Þórdís Gísladóttir. Alls bárust 57 umsóknir um styrk.

Þær sem fengu styrk nú eru Arna Stefanía Guðmundsdóttir, 16 ára frjálsíþróttakona úr ÍR; Eygló Ósk Gústafsdóttir, 16 ára sundkona úr Sundfélaginu Ægi; Gunnhildur Garðarsdóttir, 18 ára skyllingakona hjá Skyllingafélagi Reykjavíkur; María Guðmundsdóttir, 18 ára skíðakona hjá Skíðafélagi Akureyrar; Norma Dögg Róbertsdóttir, 15 ára fimleikakona hjá Gerplu; og Perla Steingrimsdóttir, 14 ára danskona hjá Dansíþróttafélagi Hafnarfjarðar. - óká

Ísland af athugunarlista

Matsfyrirtækið Standard & Poor's hefur staðfest óbreytta láns-hæfiseinkunn ríkissjóðs í erlendum gjaldeyri. Láns-hæfiseinkunn fyrir innlendar skuldbindingar er hins vegar lækkuð.

Matsfyrirtækið hefur fært láns-hæfiseinkunnir af athugunarlista þótt horfur séu enn neikvæðar. Í rökstuðningi segir að dregið hafi úr hættu á að ríkissjóður lendi í vandræðum með erlenda fjármögnun. Ástæðan fyrir því að horfur eru neikvæðar er hætta á að efnahagsbati og skuldalækkun ríkissjóðs verði ekki sem skyldi, eins og segir í tilkynningu frá Seðlabankanum.

Matsfyrirtækin þrjú hafa nú skilað nýju láns-hæfismati fyrir ríkissjóð og var Standard & Poor's síðast til þess. - jab

MARKAÐSRÁÐANDI STAÐA & BEITING SAMKEPPNISLAGA

Ráðstefna í Hörpu (Silfurberg) á morgun, fimmtudaginn 19. maí 2011 kl 8:30-13:00

Frummælendur:

Ari Kristinn Jónsson - rektor Háskólans í Reykjavík

Opnunarávarp

Prof. Richard Whish - prófessor við King's College í London

Article 102 TFEU: Modern enforcement and the Commission's Guidance Paper

Simen Karlsen - yfirhagfræðingur Copenhagen Economics

Reliance on Economic assessment in Competition Law Enforcement

Páll Gunnar Pálsson - forstjóri Samkeppniseftirlitsins

Key points in Competition law enforcement in Iceland – Tools in the ICA toolbox.

What are they for? How are they used?

Guðmundur Sigurðsson - forseti lagadeildar Háskólans í Reykjavík

Lokaávarp

Að loknum framsöguerindum taka við pallborðsumræður: frummælendur, **Finnur**

Oddsson framkvæmdastjóri Viðskiptaráðs & **Benedikt Jóhannesson** ritstjóri

Vísbendingar

Fundarstjórnar eru: **Heimir Örn Herbertsson** hrl. hjá LEX & **Helga Melkorka**

Óttarsdóttir hdl. hjá LOGOS

Aðgangseyrir er 5.500 kr. með morgunkaffi og árdegisverði.

Ráðstefnan fer fram á ensku. Nánari dagskrá og skráning á vi.is



ER ÞITT FYRIRTÆKI MEÐ SAMNING?

Fyrirtæki sem eru með samning við Icelandair njóta þess í hagkvæmari rekstri, betri tímanýtingu og ánægðara starfsfólki.

Hlunnindi sem fyrirtækjasamningur veitir:

- Sérstakur ferðaráðgjafi hefur umsjón með hverju fyrirtæki.
- Neyðarnúmer sem er opið allan sólarhringinn – alla daga ársins.
- Afsláttur sem býðst af fargjöldum til áfangastaða Icelandair.
- Nákvæmt viðskiptayfirlit á vefnum.

+ Allar nánari upplýsingar á www.icelandair.is/fyrirtaeki eða sendið fyrirspurnir á fyrirtaeki@icelandair.is

SAGA CLASS

Úrvalspægindi, gott rými og fyrsta flokks þjónusta.

ICELANDAIR



BANKAHÓLFID

Ekki eintóm paradís

Actavis opnaði nýjar höfuðstöðvar í bænum Zug í Sviss í síðustu viku. Forstjórinn Claudio Albrecht sagði, í samtali við fjölmiðla, lágs-kattastefnuna í bænum hafa heillað. En þótt starfsmenn fyrirtækisins greiði talsvert lægri skatta en hér, kostar sitt að lifa í bænum. Mánaðarleiga fyrir meðalíbúð er um hálf milljón, auk þess sem greiða þarf dýrum dómi fyrir skólavist barna, heilsgæslu og flest annað sem hér kostar lítið sem ekkert. En þó að Zug þyki paradís fyrir barnafólk og eldri borgara er þar lítið að gera fyrir einhleypa. Kunnugir segja að þegar nóg sé komið af útivist og fuglaskoðun taki aðeins klukkustund að skjótast til nærliggjandi landa.



Í góðum gír

Athygli vakti þegar Björgólfur Guðmundsson mætti á formlega vígslu tónlistar- og ráðstefnuhússins Hörpu á mánudag. Sonur hans og nafni lét sig heldur ekki vanta við formlega opnun nýrra höfuðstöðva Actavis í Sviss. Björgólfur er skráður eigandi Actavis eftir yfirtöku á fyrirtækinu undir lok sumars 2007. Eftir skuldauppgjör, þar á meðal við Deutsche Bank, hefur hann hins vegar fært sig um set í stól stjórnarmanns. Í teitið mætti Björgólfur með nokkrum samstarfsmönnum sínum hjá fjárfestingarfélaginu Novator, þar á meðal Andra Sveinssyni og lögmanninginum Birgi Má Ragnarssyni, fyrrverandi framkvæmdastjóra Samsonar, eignarhaldsfélags þeirra Björgólfsfeðga. Birgir er jafnframt í stjórn Actavis með Björgólfi.



Á ferð og flugi

Már Guðmundsson seðlabankastjóri hefur gert víðreist á erlendum vettvangi upp á síðkastið og kynnt fyrir mönnum bankahrúnið hér, lærdóminn sem draga má af kreppunni og bata efnahagslífsins. Í síðustu viku var hann í London þar sem hann fundaði með fulltrúum lánshæfismatsfyrirtækja. Þá hélt hann erindi um málið í Englandsbanka og fundaði með Mervyn King, seðlabankastjóra Bretlands, einum áhrifamesta manningnum í bresku efnahagslífi. Á mánudag var Már svo á meginlandinu í Brussel og flutti hann þar erindi á sviðum nótum og í Bretlandi.



1.000.000

tölvuskeyta, eða þar um bil, eru meðal þeirra gagna sem sérstakur saksóknari þarf að plægja sig í gegnum í rannsókn sinni á Kaupþingi.

53

milljóna króna tap varð á rekstri DV á síðasta ári.

2.000

lítill og meðalstór fyrirtæki, rétt tæplega, hafa gengið í gegnum endurskipulagningu skulda sinna.



Eignastýring • Markaðsviðskipti • Fyrirtækjaráðgjöf

Arctica Finance er framsækið, óháð og sjálfstætt fjármálafyrirtæki sem hefur starfsleyfi frá Fjármálaeftirlitinu. Fyrirtækið er í eigu starfsmanna sem búa að áralangri og víðtækri reynslu af innlendum og erlendum fjármálamörkuðum.

A / F

ARCTICAFINANCE

www.arctica.is | Smáratorgi 3 | 201 Kópavogi | Sími 513 3300

ISS SÉR UM FASTEIGNINA FYRIR ÞIG

Viltu losna við áreiti og umstang sem fylgir því að reka fasteign? Viltu ná hámarkshagræðingu í rekstri á fasteigninni? ISS býður upp á sérsniðnar heildarlausnir sem innihalda m.a.:

- Húsvörslu
- Viðhald
- Lóðaumsjón
- Samskipti og umsjón með leigjendum
- Eftirlit
- Ræstingar og viðhald gólfa

Nánari upplýsingar eru í síma 5 800 600

www.iss.is



30 ára reynsla

